

ralis voluptas evertat, non ambitio seculi decipiat, non tristitia pusillanimum reddat, —804
non laetitia immoderatum efficiat. Esto in puerili corpore moribus senior, animo constans, in opere Dei sedulus, in oratione pervigil, in oboedientia hilaris, in humilitate devotus, in verbis pacificus, in factis honestus, corpore castus, penitentia fervens,
5 caritate sufficiens in Deo, in spe bonitatis Domini semper gaudens, fraterno amore iocundus, pietate in parentes amabilis. Disce, ut habeas quod doceas¹, sciens tibi loqui Deum, dum illius sacratissimas legeris scripturas, et versa vice te loqui Deo, dum compuncto corde oraveris ad Deum². Quid dulcius est quam hac vicissitudine frui cum Deo. Cogita illum tibi semper esse praesentem, et illius sacratissima prae-
10 sentia te prohibeat ab omni peccato et inhonestate verbi vel facti, immo et cogitationis, ut iugiter mundus anima et corpore appareas in conspectu altissimi iudicis. Et angeli Dei laetificentur in operibus tuis optimis et intercedere pro te dignentur, quia quos in opere Dei devotos invenient, pro his orare ad Deum non desistunt. Similiter et spiritus^a sanctorum nostris favent semper lacrimis, si nos agnoscunt in caritate
15 fervere Christo et operibus proficere bonis.

Haec cartula saepius aperiatur ante oculos dilectionis tuae et in [thesauro cordis^b] tui recondatur, quatinus pro lingua paterna semper tibi loquatur] . . . et te gaudentem inveniat, dum reversus fuerit. Memor esto semper, quod guttur tuum tuba Dei debet esse et lingua omnibus praeco salutis³. Et quanto plus appropinquat dies remunerationis, tanto magis mercedis tuae felicitatem accumulare studeto.

271.

Alcvinus monachos Murbacenses, quos aliquando ipse visitaverat, ut pro se precentur rogat. Admonitiones addit. —804.

Cod. H fol. 83—83' a.

Edd. F 222, J 269. — Migne col. 218.

25 SANCTISSIMIS IN CHRISTO FRATRIBUS, SUB PROTECTIONE BEATI LEODEGarii EPISCOPI⁴ DEO SERVIENTIBUS, ALCHVINUS SALUTEM.

Olim magistri mei⁵ vestigia secutus vestrae congregationis laudabilem conversationem videbam et amabam, meque ipsum inter vos esse desiderabam quasi unus ex vobis⁶. Unde deprecor, carissimi fratres, vestram piissimam dilectionem, ut dignemini
30 me in sanctis orationibus vestris fratrem habere quasi unum ex vobis, ut vestrae sanctitatis intercessione peccatorum meorum merear a deo Iesu indulgentiam accipere, qui est salus et beatitudo omnium in se sperantium; quem vos in sancta relegione regularis vitae semper honorate et amate, quatenus dignam in vobis, sicut certissime

270. a) spes c, spiritus leg. Bethm. b) et in thesauro cordis fortasse supplendum est cf. supra p. 98 l. 33; 258 l. 39; 277 l. 3.

271. a) Lemma: Ad fratres Corbeienses H.

Similis est inscriptio ep. 88: Dilectissimo filio atque animali meo, cf. Alc. expos. in psalm. poenitent. (ed. Frobenius I, 354): Vitulos quippe posuit pro innocentibus adultis, quorum aetas prima est et a iugo peccati cervix probatur aliena.

40 1) Cf. supra p. 132 n. 2. 2) Cf. supra p. 372 n. 1. 3) Cf. supra p. 45 l. 22, ubi eadem verba. 4) Monasterium Murbacense in Alsacia conditum Leodegario episcopo Augustodunensi dedicatum erat; cf. supra p. 172 n. 1; ideoque in lemmate codicis vitium irrepsisse videtur. 5) Aelberhti (archiepiscopi Eboracensis 767—778); v. supra p. 167 n. 3; 171 n. 4. 6) Hoc in primo Alcvinus itinere Romano factum esse videtur, cuius supra p. 285 mentionem inicit (dum ego adolescens Romam perrexi). De Aelberhto
45 enim canit Alcvinus ipse (De pontificib. Eborac. v. 1457. 1458, Poet. Carol. I, 201, cf. Epit. Aelberti v. 9 p. 206): Hic quoque Romuleam venit devotus ad urbem, | Dives amore Dei late loca sancta peragrans.